

Նույն օրը Վեհափառ Հայրապետն ընդունեց Թուրքմենիստանի նորանշանակ արքայազարգ և լիազոր դեսպան Աթա Սերդարովին: Ամենայն Հայոց Հայրապետը շնորհավորեց դեսպանին նշանակման առիթով և հաջողություններ մաղթեց նրա առաքելությանը: Նորին Սրբությունը նաև գոհունակություն հայտնեց դեսպանապան կողմից Հայ Առաքելական Եկեղեցու և Հայոց Հայրապետի հանդեպ մշտապես ցուցաբերվող հարգանքի և ուշադրության համար:

Հանդիպմանն անդրադարձ կատարվեց նաև Թուրքմենիստանի հայ համայնքին, հայ և թուրքմեն ժողովուրդների պապմական կապերին: Շնորհակալություն հայտնելով ընդունելության առիթով՝ պրն. Սերդարովը հավաստիացրեց Նորին Սրբությանը, որ իր պաշտոնավարման շրջանում կանի ամենը՝ երկու ժողովուրդների հարաբերությունների սերտացման ու զորացման համար:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՂԱՄԱԿԱՐԳ

ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԸՆԴՈՒՆԵՅ ԱՊԱԿԵՆՏՐՈՆԱՅՎԱԾ ՂԱՄԱԳՈՐԾԱԿՑՈՒԹՅԱՆ ՀԱՅ-ՖՐԱՆՍԻԱԿԱՆ ՀԱՄԱԺՈՂՈՎԻ ՄԱՍՆԱԿԻՑՆԵՐԻՆ

Հոկտեմբերի 8-ին, Մայր Աթոռ Սուրբ Էջմիածնում, Ն.Ս.Օ.Տ.Տ. Գարեգին Բ Ծայրագույն Պապրիարք և Ամենայն Հայոց Կաթողիկոսն ընդունեց ապակենսարոնացված համագործակցության հայ-ֆրանսիական համաժողովի մասնակիցներին:

Նորին Սրբությունը գոհունակություն հայտնեց հայ-ֆրանսիական կապերի շարունակական զարգացման համար, որի շարժիչը երկու ժողովուրդների բարեկամության ոգին է: Վեհափառ Հայրապետը մեծապես կարևորեց Հայաստանի և Ֆրանսիայի բույր քաղաքների միջև համագործակցությունը, որ պարզաբերում է նորանոր իրագործումներով:

Ամենայն Հայոց Կաթողիկոսն իր խոսքում նաև երախտագիտություն հայտնեց Ֆրանսիայի ժողովրդին և իշխանություններին՝ հայ ժողովրդին ցուցաբերած գորակցության համար, մասնավորապես, Յեղասպանության ճանաչման ու դատապարտման գործում, ինչը կարևոր է թե՛ հայ ժողովրդի նկատմամբ արդարության հաստատման և թե՛ հեղափոխական ուղիերգությունների կանխարգելման համար:

Հանդիպմանը անդրադարձ կատարվեց նաև Լեռնային Ղարաբաղի հակամարտության խաղաղ կարգավորմանն ուղղված ջանքերին, ինչպես նաև Հայ Եկեղեցու գործունեությանը և ներգրավվածությանը միջկրոնական երկխոսության մեջ:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՂԱՄԱԿԱՐԳ